

柏規山房全集

柏槻山房詩集卷四

上元梅會亮伯言

方子範故園樽酒圖

壬午

龍眠山色如拖藍江沙對酒人
兩三故人今日別如雨
何處青山結賓主長安陌上
杏花春五尺車茵十丈塵
相逢但說東歸好不似當年
對酒人

出京自德州赴歷城泥水失路

曹騰三十里夜半投一村家家
破扉閉無地畱行人驚
呼集老稚且復謀盤飧取餅就
其竈嘗湯就其盆導我
入空院曰此聊棲身車中得一
臥萬事不敢論天明愧

奴僕汝昨何由存倉皇問前路回顧傷我神

臨路不能發平陸漫成湖舟師索高價擁穢藏菰蒲自
慚豈官長恫喝如追呼稍稍一來前解裝空我車車馬
從他道會合十里餘舟行入灘落偃臥避朽株俯窺見
車轍太息羣游魚一朝水潦退此魚將焉如馬行已滅
沒舟行更煩紆寥廓田野中日落安可居

禹城道中阻水

早歲關河況味親而今水手更迷津年年一帶征車轍
化作風波更滯人

趵突泉

但有三峯現難消萬竅鳴泥塗聊自拔波浪已旋平估
客來歡賞兒童易震驚獨憐辭賦手爲爾費詩情

回宣城謁墓夜泊江甯鎮作

癸未

江風夜作狂於虎寂寂萬舟如伏鼠
霽然一響鄰舟呼漁人開帆折其櫓
我初聞此懷心神乾坤何處著閒身
君知田舍收竿日不見風波縱棹人

銅井泊舟

孤舟多彎環近岸輒幽討山村絕人境
生計亦擾擾老翁樹根坐少者翻露草
古廟門不扁靈旂掛芴椽神叢寫藤葛
想見狐祥老人立心悄然迴舟玩晴昊

雨泊采石

飛鳶避雨入山壁
雨墜復飛飛轉急
絳夫冒雨疾無聲
彌望水邊如椽杙
蒼茫已見翠微山
我與此山多往還
遙知燈火泊船處
尙隔津頭第幾灣

查家灣作

瀉水水門如潑乳
想見青溪深且阻
我欲俯窺舟轉疾
看水老翁猶獨立
羝羊不眠齧草根
田婦旁來拔牛杙

薛家渡夜泊

一東一西雨後雲
半黑半白雲中星
炯如秋燈隔疎櫺
推篷四顧風泠泠
老魚撥刺無人聽

黃池守風

聽水聽風鎮日眠
童奴默坐對長年
開帆打鼓一驚看
卻是來船非去船

方家衝

水複山重處吾家
丙舍存衣冠
瞻祖墓樽俎歎鄰村
長日觀魚久深宵說虎
誼焙茶人未息燈火出
頽垣

苦雨作

自我來宣州兩月不開霽
入村過三旬連陰倍淒淚
初如空中從細於毛髮
鬢少焉勢忽壯跌宕亂排擠
謂宜三鼓衰餘態更婉
瘳有時臥見星
酣寢得甘霖
夢聞聲

已喧撫枕百無計恍如飄蕩身忽逐江海逝童奴默無
色起臥屢攘袂嗟予更結約茶菴怯歐泄作勢出門看
白水使山草烏鳶眞有神默默久漂漶驢驟犬豕雜無
地謀蓄穀父老同嗟吁邂逅此惡歲問答未已云沾灑
難久蹠出門復入門枯坐惟俛倪

急雨歌

急風吹雨如追逃斗室噴沫生波濤黑雲無縫天周遭
電光著壁飛霜刀祕怪恍惚求其曹哀鳴燕雀藏屋敖
朽株敗葉爭怒號吾身嗒焉渺秋毫俄頃雨斷雲不牢
出門一笑波滔滔野人赤足青天高

宣城水災行時邑令爲朱錦琮海鹽人

宣城古山郡近水爲膏腴周遭作隄防圍田以爲居一
圍數千畝一畝六石餘我來坐吉村六月雨不止四鄉
道路隔消息尙未起閒日雨少休相見各言水二百有
八圍存一小小耳客來金保圍爲我言尤哀五月二十
餘大雨如綆縻圍中一萬戶鳴鉦各乘隄拒水如拒兵
立死不敢移每戶八九人人人捧土泥仰祝天雨歇俯
祝河流低河身日夜高皇天不聞知但有雲沉沉作雨
無了期忽聞人聲急萬目如死灰水波洶洶惡中有犬
與雞各知圍已破號哭拋鉏犁圍破安有家猶自尋舊

蹊但聞滿耳聲知是娘與兒大呼望縣官縣官實仁慈
小船載錢帛大船施粥糜錢帛何所爲百錢拯一尸中
有十八人握手死不離斯言未及竟有客來華陽華陽
負山居有田皆膏梁豈知大水來生計同時亡覆我河
中筏百貨無一償漂我河干木拾取資強梁洗我田中
土石骨露車箱昨日出門去猶是富家郎水田有時退
石田何時磨昔年恨田少今年恨田多余將往東鄉二
客出門去東鄉四十里步步入山路高崗水已退蘋藻
粘枯枝空棺及木主顛倒埋塘池我將買舟返水鄉更
瘡痍願得早安集客子愁孤羈

六月十五日柏硯山飛橋納涼作

柏硯山水好茲橋踞其幽追涼逐勝境父老攜我游千
峯共一谷兩檻俯雙流山僧喜客話指點分林耶

萬木四山靜雙泉終日喧爭先赴雲壁畱媚當風軒聽
滿意多愜靜觀難具言何如吾宗老煮茗汲清源

輕儵引人遠澗曲迷來蹤日暮百蟲響輕衫漾歸風在
山景已饜出谷意未終心期十年後收迹寄枝筇

課曾圖爲外兄胡受益母方孺人作

我之祖姑君祖母君也少孤集荼苦泊君有子復有孫
惟我祖姑不及睹以養以教教者誰君有節母持風規

夏后衣帽守邊幅宣文官禮傳弓箕有子篤學經人師有
孫早歲光長離我讀遺集金薤披天道幽遠未可測節母
後福方無涯我歸宣城拜君母一卷課曾忘白首秋光澹
沱樹扶疏柿葉如鏡能寫書小者識字九千餘大者誦經
如貫珠母顧而笑容舒舒昔課爾祖聲吁唔爾祖今已滄
浪鬚天倫樂事古所無爲母登歌鳳將雛再看雛鳳翔天衢

宣城歸舟書所見

大堤上昔作行人路今作居人室男女持茅登屋極龍
骨牛衣支四壁兒女愴愴日中立人與雛豬共牢漏破
甑短檠皆露集回頭卻望田中居空房無人水出入

悲官圩

悲官圩官圩四十里炊煙四面絕波浪黃昏起

浮橋歎

官河浮橋截人路逢船索錢不知數錢少輒怒嗔遲遲
誤行人長年穀鯨如雞豚君不見官河今作長江注屋
角墻頭聽船去

歸舟至江東門

野老無船踏破扉一篙欹側傍牆隈石頭城上人如海
袈服新裝看水來

清明日謁外祖朝議公墓太平門外

甲申

小爾輕風二月天山容如醉水如眠東城一片風花路
落落行人散墓田

感春

春皇何事太怒怒未必分明過眼中李白桃紅渾不似
卻教同日嫁東風

花開先怕落花辰懶鬪新粧綴鬢唇刻意傷春春竟老
風光輸與拗花人

咏菜花

高低開遍野人家插槿編籬任意遮不與牡丹同臭味
卻來殘客對黃花

甘崎人得宋都監酒印

文采當年蘇侍郎粗官可得醉千場後人得失了無迹

一例元暉古印章

舟泊單橋

黃日下林端停舟喧晚餐野童窺近岸估客散平灘
仄
逕逢樵急危橋覓店難船頭聊徙倚歸臥一書攤

過方村晤外兄崔芝田

三代聯姻誼經過慰夙心田園多繞屋子弟已華簪愧
我功名薄多君意氣深兩家新舊事今昔話重尋

自郡城赴坐吉村過嶧陽橋

忽轉山橋路秋光聚一村
斷藤枯絡廟懸果熟當門紅
讓楓林出青隨芋葉翻
兒童休問訊茲地舊家園

雨後偶成

空山一雨便成泉
疊石開渠護水田
但有波瀾終到海
那教隨處不喧闐

文峯家塾畱別族中諸子

家塾依祠廟諸村抱若環
四山皆我有一水去人間
物力應稍薄宗風尙可還
無忘經始者辛苦闢茅菅

村中晚眺

晚來風定好山光
一半青林一半黃
著樹無聲柯葉滿

歸鴉如雨落斜陽

過魯王廟

隋末梅知巖據宣城納土於唐事見高祖本紀
其封魯公見唐會要至宋王象之書始載魯王
碑文其爲何人加封不可攷矣

隋末失鹿羣狼奔赤子魚爛相吐吞將軍提劍收鄉屯
犄角汪左盤孤根收波縮浪觀龍鯤或塞北海投崑崙
虬髯帝子清乾坤稽首眞王謁天閣歸釋弓刀戲兒孫
史冊闇昧如睡昏廟食光遠輝朝暎黝鬚纓冠毅且溫
火田水耕報豆罇長我禾黍肥雞豚山獮野麋馴以蹲

老樹夜靜形模尊如古衣冠密謨論我來過之聳靈魂
誰歟墟王顏其門非神志也勿妄存作詩辯者在後昆

村中雜咏

木落遠山多歸樵帶黃葉晚來溪水深應是山中雪
暝色動叢薄寒雀未安枝忽向溪南去不知驚見誰
好樹冬不花朽株春不綠若使無冬春爾心亦已足
老物使人悲念其婀娜時如何人老至人心不相似

周編鐘歌爲甘夢六丈作

乙酉

古花繡澁岐陽土潑翠山光聚圓乳主人不客爲摩挲
想見當年奏矇瞽自從博古重宣和魯壺苕苕紛紛多

張敞端能識奇字何人喚起辨瑯戈

和孫翹生殘雪詩

無端銀海眩空清作態斜飛世眼驚羣伴已隨風力去
孤光猶待日華明誰從泥絮追餘賞幸有江梅戀故情
若化春波終到海牆東可得定生平

夏日雜咏

畏暑眞成癖林塘事事幽小書從我懶長策看人謀枕
簟隨時具簪裾盡日抽翻愁煩暑歇茵苔欲經秋

少小諸同學飛騰各異方一鳴憐往復五馬已翺翔警
策詩應在迂疏禮漸忘昨來書問訊尙謂我非狂

蕭公原騎射王令已文章身在誰能料時來各自強竹
書風裏坐瓜架雨前香賴有科頭客同消夏日長

吳郡顧千里儒林得大師病猶思誤字醒亦好微詞潦
倒依書卷崢嶸仗酒卮最憐文選學不解說難悲

君校刻書

數十種皆有考異極精核
文選韓非子其二種也

公達輕先輩平原託後生人情隨老壯吾意豈衰榮陶
詠詩常把羲皇夢欲成更須櫻拂子白鳥去營營

觸手悲遺札吳門王惠川論詩殊我苦中酒覺人賢馮
衍妻猶在宗文子最憐熟聞千古意今日倍淒然

遠客端然至呼衣正履綦意深徒有愧名晚豈堪資鳥

熟閑窺桁蟲晴喜放絲早涼歸老樹語罷暮蟬移
刺眼藤蘿久今看縱斧柯蒼雲中脫壞綠水散盤陀蟻
捷爭新路蜂忙失舊窠青青書帶草埋沒歲時多
水恐方池溢渠隨淺岸開鴉翻新土去魚試小波回稚
子愁深淺畦丁健往來揮鋤休放手籬竹是親栽

題人畫百猿圖

平生空讀水經注不到猿嘯三峽處誰將形狀寫丹青
飲澗攀林不知數人生富貴誰劣優是中亦有巴西侯
試問猿公得知否掉頭忽向青山走

句容舊柏庵謁文穆公石居公墓

丙舍依山寺年年句曲行門添新社約壁壞野神名瓜
果慚僧意松楸慰我情爲言無斬伐亦荷歲豐成
御氣豐碑重哀榮及後生衣冠鄰叟記俎豆野童驚喬
木諸山仰清渠一路行頻來幽徑熟不藉老僧迎
暫作僧房住荒寒悟道根梵音秋聽徹佛像夜觀尊月
過山扉靜燈留土室昏披衣喚徒御猶戀布衾溫
殘月猶在地山行戶已開駭雞爭路擲吠犬界村迴木
亞高風過萍移暗水來茲游異勞役登陟倍徘徊

題溫明叔集

夜深風雨攪林塘老屋燈昏葉半床好句忽來溫叔子

晴帆春水下瀟湘

磊落竟能箋爾雅深湛時復訓方言新宮銘字知多少
試就元卿與細論

咏水仙

寒花暖屋意相親念爾嘉名感舊因豈藉春風方得意
只應秋水與爲神無端帝子遺湘浦或有佳人採洛濱
且喜清香畱燕寢不隨桃李落芳塵

和東坡雪詩

庭前風雪正迴斜寂寞難來問字車眾響參差傾竹葉
孤懷寥落待梅花從教陶令全遮逕誰識袁安尙臥家

閒就南窗呵凍墨薑芽手拙筆生叉

風聲約住雪聲添簾幕重重未解嚴夜坐餘溫親芋火
朝餐新凍觸齏鹽衝街犬怯時窺巷投屋鴉忙誤墜簷
更倚危樓招遠景題詩欲掃萬峯尖

和明叔見懷用其韻不復次

丙戌

我城君在郊頻晤如對字大言忘蹊町小學辨門戶元
白雖殊才陳黃各矜語善諱偶示難屬對頗思苦兩字
二三萬一月四十五君舉女功一月得四十五日余對以堯典兩字說二三萬言大
笑空爾爲此言竟安處巷南時放春城北或謀野每同
王充游必學妣女數奇書氣先識脫簡手親補心知羣

兒嗤目笑兩士古猶勝紅袖圍但作白丁聚王春富膏
澤人日連風雨水衣生欄松石鏡冒洲杜勞勞望車塵
默默覘柱礎君方隔城闌渺若涉湘浦陳經獨拜庚難
飯閑過午黃綿忽驚出青箬可收貯近局當能來爲君
掃寄圃

題東南坡扇

風簾官燭共宵盤
曉鳥催花已破寒
跨馬出郊猶未得
小紅如豆畫中看

九月信明叔赴安慶過蕪湖王子卿丈招飲陶塘

園

名績黃樓著家園綠野開忘年商近律話舊綬深盃隔
牖山先到穿籬水暗來一麾休自惜居處尙蓬萊

和章瑄香作用原韻

昔君會飲雲素翁懷抱欲話羞難同蹇驢肥馬妄生意
誰知愛士如林宗我今一蹶蔽泥水看君劍佩趨夔龍
聊將文字縱娛戲此事管領無天公黃鐘瓦釜同一擲
君乃違眾歸我工高詞焜耀發幽昧燭龍下照潛蛟宮
識君五載猶不盡何況交臂乘追鋒我詩羞澁老冬菴
古牆凍砌抽春蒙雖然戔戔多束筍豈如千畝羅君胸
和詩一笑愧齊偶都官才盡非詩窮

和瑄香地樓看雪韻

凍吟夜半僵銀箭竹葉紙窻聲一片臥聽密密還疎疎
登樓朝失青山面行人移過喬木白棲鳥落屑驚枝旋
兒童踏破見泥水幸有迴風補能遍主人歡賞心未足
祝日遲遲莫輕現清郎忽在瑛瓊瑤虛室白生銀海眩
問君跨馬游西山可與小園同一見

半千閣望雪

急風迴雪避炊煙屋角牆坳斷復連平野忽從迴望合
行人如雁點青天

壽汪鄴樓五十

宗雷勝地近誰居我友清風再掃除出處應參高士傳
疏狂不學絕交書堂前刺史驚投轄門外將軍喜駐車
誰信相如詞賦客古人惟慕藺相如

貧居絕少畔牢愁黹綴家林意匠幽好竹移同嘉客至
奇花買似異書收穿籬水綠新通闌入座山青更起樓
笑我城南望城北累君時作佩壺游

東補卿折梅圖

丁亥

偶上陵風臺折取江南春高枝先入手未許亂愁人

咏明妃

春風環佩夢難歸不見長安花片飛多少如花漢宮女

琵琶從此屬明妃

過當塗黃山寺

日午昏昏客停車，眼暫明門收平野。
合殿偏暑風清日，更貪閑睡山僧習。
世情那知倦游意，勸我數經行。

徐季雅蓬萊鼓柶圖

昔我清游戲扶桑，了了神山非渺茫。
蓬萊老仙授霓裳，安期故人不在旁。
新宮銘成意傍徨，靈妃啟齒開電光。
傳我六字蟠龍章，吹笙年少神揚揚。
帝前搖筆吟青黃，濃墨作雨枯爲陽。
金銀宮闕煙蒼蒼，下視城郭非我鄉。
虎瑟鸞歌斷人腸，天風鏘然振明璫。
枕飛胡蝶驚蒙莊。

翠螺山色開書堂見君圖此勿自量人生得失安有常
退鷁忽作鴻毛翔老菘肥白蟹可嘗與君共醉秋花觴

題人夢游燕子磯圖

高寒百尺有江樓燕子磯邊煙雨愁曾是阻風中酒地
怪君清夢獨來游

柏硯山房詩集卷五

上元梅曾亮伯言

王竹嶼文黃河歸棹圖

己丑

浙江新志補河渠又見金隄報最書春水桃花民氣樂
秋風蓴菜宦情疎三山故里遲驄馬九曲流波從鯉魚
卻念漢廷方仄席薛公那得早懸車

竹嶼丈招飲三山二水居分韻得露字

三山二水居古洲名白鷺觀察新經營謫仙舊游泝觀
從西華借墅本東山附依岸成三楹出水過七步上設
宮錦仙常想瓣香炷三面池如弓四角山立柱繚白現

澄江團黃辨遙樹廊修左垂虹亭遠中泛鷺波涵井倒
茄水抱城懸瓠杳然葭菼深回見芙蓉路主人詩中豪
召客席上賦題糕及良辰把酒深遙慕想見鳳臺游幾
經龍劫度迹幻景自真地新意猶故興奇發嘯歌意愜
忘禮數俯檻駭魚沉飛觥驚鳥顧櫂聲緣岸曲帆影當
盃住惜茲重門阻已覺輕陰暮旣醉皆言歸拈題各自
註長揖太白前授我老蒼句

爲人題跨牛圖

風疎疎春漠漠長坂通津帶林薄春衫短策騎烏犍草
色青青送行腳沙平柳轉不知遠花氣如潮隔山落前

有兩犢載兩兒谷口先向桃源嬉謂我何遲當鞭之我
鞭非鞭折楊枝寄語小兒休疾走看花那用分前後

題吳伯芬遺照

野曠天清江萬里風聲泠泠鶴聲喜梅花一角孤雲裏
紅出山頭壓江底人間此境難久留先生絕壁來停舟
赤壁之酒陵雲游後人圖畫成佳話當日清寒恐白頭
三峯園歌爲泰州高麓庵作

草堂對雪平如掌雪作春聲入泉響堂後泉聲上碧空
上有一閣名松風俯窺眾綠不見底紅亭點破青濛濛
數魚亭下波聲小雁齒金鱗報春曉古松斜出一釵橫

十八鬢多皺雲繞洞底穿雲石徑開天容潭影萬花來
花光不動池光定碧草環珎帖明鏡池南三石名三峯
插笏崔巍眾皺中山響草堂正相對畫師於此經營工
徘徊西上來青閣四面風光一簾箔樓臺重叠夕陽疎
水木清華秋月拓北去幽篁路轉偏綠天黃雪橫蒼煙
當時延賞故難盡畫入丹青那得全回頭卻到笙歌路
萊慶堂前燈萬樹送君出岫作霖雲他日三峯重緩步

題許心梅如意圖

庚寅

君不見長安年少家金張年十六七登玉堂從祀甘泉
獵長楊鳳凰五色開天章揮斥屈宋披班揚嚴徐東馬

歸門牆再拜稽首告聖皇臣力尙可宣一方翩然旌節
來名疆馬前跼蹐嚴趨踰百城令肅如飛霜下無墨吏
民穰穰爲君彎弓射扶桑滄海夜靜鯨鯢藏爲君傳箭
收河湟西獵崑崙墜天狼凱旋大漠樂未央明詔入輔
拜御牀天子命我提朝綱右賢左戚隨低昂帝前動笏
論虞唐山河晏清時雨暘君恩方新力方剛懇乞骸骨
歸林塘二親未衰顏色康鵠峙鸞停侍諸郎親戚歡樂
臧獲良時時綠野傳賓觴稽經考詩奏笙簧安能詰曲
如汾陽憂讒畏譏時中傷安能委蛇如蒙莊曳尾泥中
螿且僵君曰此說尙未詳人各有意不可量神仙富貴

世所望意去唾棄如塵糠吾有手足肝肺腸亦能與我
爲參商人生如意惟難常吾以一圖召萬祥心口所至
神扶將六鑿勃礫不相當問君何意亦坐忘一笑賦此
非猖狂

題明月滿船聞雁聲圖

辛卯

潮滿空江月滿隄半江帆影渡遲遲雁聲一一瀟湘去
正是舟人夜語時

和陶雲汀尙書登雲臺山作

觀軍臨海俯崔嵬如此登臨信壯哉萬馬雲開宣令罷
六鰲水立助詩來眼中了了神山日脚底騰騰下界雷

更有鄒枚同攬勝江天不數妙高臺

陶孝女讚爲雲汀先生作

壬辰

奇哉孝女舅報母割肉爲藥醫駭走問年十三蓋始有
少性天發無疑否我母療翁藥以肘妹淑療母失創搨
撫文感事自吐口聞鄂人對每掉首

題汪均之集圍圖扇

深松茂竹是君家白塔青山屋後遮紅板遍通三徑水
綠亭高擁一圍花

新城店中見吳蘭雪先生題壁因寄

壁上新題老筆妍滇南從此引征鞭二毛人去七千里

木末山房言集卷之三
萬首詩增六十年地似成都留陸子人言太守得蘇仙
昆明池上花如海可憶西江下水船

題張淵甫圖 癸巳

穉稔數頃田茅茨兩間屋春日縱郊原惟我與黃犢

爲萬荔門題圖

老樹修篁映高閣隱囊曲几秋窻拓碧雲啜破未攤書
似欲高吟望秋作君今方直 承明廬花迎柳拂動簪
裾未可收茶問陽羨且當起草學相如

贈故高邑令范今雨

西師時節赴軍微不慕封侯竟早歸作吏那堪頻觸觸

成書聞欲擬，非非青燈有味聯。文話綠酒多情悟，道機
悵念樂城朱令尹，好官何自命多違。

王慈雨蘭亭橫卷

白塔朱樓禹廟邊，右軍觴詠集羣賢。當年經國非無手，
贏得蘭亭敘一篇。

寄謝鍾挹雲

入境歡謠祝，令君舊姻深。喜附朱陳不，教害馬驚龐。吠
能使蜚鴻變，雉馴情話依依。三十載高朋落落，兩三人
酒闌更出珍裘贈，慚愧天寒遠道身。

題容靜止詩集

先師功業爛卿雲燕許常楊接世芬萬里天山新樂府
三年人海故將軍慚余西笑重投迹喜子南歸得論文
終是丹青圖畫客管城休策腐儒勲

題葉潤臣風雨懷人圖

山居黃葉深風雨息輪鞅寶書佇清襟泛瑟臥虛幌景
阻眷彌重情深籟逾響瀟瀟碧澗滋沿檝申獨往

贈楊至堂

當年鶴版共黔中叱馭回車偶不同似我依違眞畫虎
看君談笑得憑熊風如唐魏知刑簡土雜民夷見政通
更欲借詢朱季子應將教授倚文翁

朱小坡松雲采芝圖

白雲在山頭青松在山足土肪與水芝於此懷靈淑桐
帽棕鞋石路斜主人行藥至山家松根若遇黃精客一
問人間杜浣花

題孫秋士小照

秋士之名余得之管異之詩中來京師始得交
其人然殊不意爲久居都中人退之云混混與
俗相濤獨其心追古人而從之非知秋士亦不
知古人之言之深也士當窮愁時訥舌痴步時
俗摩畫之以爲笑及顯榮矣則曰此於法當極

貴好醜隨人翻曷足怪乎世人相愛重必以名
位利達期之非余所敢施於待秋士然以古人
慷慨懷抱者言之如秋士及異之何可不使一
吐胸中之奇而使平脇曼膚習形勢工語言者
侈然爲前師事而伸其喙也

剗心一字竟成癖行腳半生無點塵何人妙解拈髭意
如海身中寄此身

題還珠圖

閩民有女細珠字陳姓傭者貧未娶民鬻之高
生爲妾傭訴官立具鼓樂送女於傭高亦以置

妾金助婚贖閩士作還珠圖美其令令黃宅中
字心齋余同年友也

黃堂簫鼓到荆扉送得青廬少婦歸揮手鴛鴦三十六
從今烏鵲得雙飛

已作還珠圖詩意有未盡聊復序之以先聘後鬻之
女而判歸原夫慮貧者之無力以娶而振之以財又
慮其男女相疑畏而至於不能終官爲之平章判合
假以光寵以慰藉其慚阻而自解於里閭此仁人君
子之用心至纖至細固有如此者矣余尤以爲方民
訴官時女已登車使非侯之素行敷於人人彼傭也

以貧與富爭民與士爭寡與眾爭將度量彼已赴訴
不時或胥吏奉法不謹陽拘陰寬遷延一夕爲婦者
非蒙曖昧之疑卽致激烈之變獄情幻訟端滋矣易
曰君子以明慎用刑而不留獄夫獄之多疑者其始
皆起於畱時久則情遁慮難則變生彼啜汁者且有
暇以投其隙也若心齋其知之矣

可嘆

寒燈呵筆凍難抽擁被蕭然萬慮收炊餅聲高寒具小
三更猶自徹街頭

月地開場打野呵輕衫當戶買清歌霜風一掃天街淨

籠袖驕民柰若何

孫秋士寒憲燈影圖

溪橋斷風雪萬籟壓燈影莊莊女宗師宵課忘淒緊當年機下兒少者今素領一卷避俗詩寒花搖古井

得家書口號寄仲卿彥勤弟及淑儀妹

滿意家書至開緘又短章妹詩因病嬾兒札似文荒賴有阿甥語因知嬌女長尙疑書紙背反覆再端詳

聞說江湖漲家家避水居吾廬聊免此嘉樹定何如竹
恐行鞭礙松愁偃蓋疏崩沙須壅護莫上小池魚

十月雷猶震潛陽竟未藏女甥最驚恐婢媪好扶將定

有雲如墨惟憂雨漏牀春秋繁露學雅不愛公羊
仲弟常州客近鄉常別家人來言斷酒書至喜兼茶巡
圃吾曾慣夔藩缺未遮京華艱去住待汝補梅花
季弟近何事時應手一編長閒成病體最少已中年高
適詩無敵荀卿賦可研古人多晚學期汝似前賢

嘲碁

弈者有數病我言君勿譁入座不分子黑白互紛拏兩
袖大於帚邊角被梳爬雪然墜滿地俯拾如啄鴉手持
子拍案碎落生癩瘕復作遠勢投一擲如撒沙旁子皆
辟易累卵不可加敵子已吃卻一一收我家手持敵人

綦注枰久咨嗟一落始知誤再換仍復差莫言此小事
亦是一疵瑕我作程曉詩慢戲非掄挪

送季仙九督學山左

霜袍初換錦衣明早領星輅占月卿一賦 天題真

學士三年雨化魯諸生春迎驛館探花使秋憶官簾食
葉聲屈指登科今幾日受 恩翻覺戴山輕

陸萊莊春城夜話圖

甲午

萊莊同年奉招乃辭不約時至乘魚蒜之無備
與鶯花而共來入門遣車代主折簡嘉客好事
挾冊多於衣囊主人不慚釘座疏於林蕻酒溫

不至名論代乏斯忘形之遊也君既爲圖詩以

繼唱

十年花又禁城探草草盃盤酒未酣正是清明好時節
一龕燈影話江南

題徐廉峯憶壺園圖

江城高館平如掌澹澹扁舟過書幌樓頭一抹是西山
畫永玉堂神獨往君家新安與無錫三十六峯泉第一
舊遊忽憶百花洲陽羨潁濱意誰識男兒邂逅當青蒲
山中猿鶴誠區區清泉白石勞相待尙有嚴安擬上書

贈徐廉峯校士浙江

甲午

九龍山色朝容喜知有詩人過故里詩人清望重蓬山
灼灼皇華壯行李露細朱文指御亭天香雲裏動文星
興來欲草觀潮賦先聽春蠶食葉聲

題鷲粟花圖

黃鳥翩翩下建章名花爲汝作餘糧誰知絕倒東方朔
辛苦侏儒粟一囊

夜坐

客悶憑誰撥秋聲入夜高門庭容我寂筆墨引人勞李
白輕千首楊朱重一毛相逢若相笑今古不同遭

贈何竹薌

嘉節慶臙臘何侯朝天京問君何爲來川沙振賢聲示
我五紙碑民功紀所程茲邦昔顓顓葭亂紛溝浜我友
新分符下車惠民氓大開秀民館朔望羅書箏扁表四
維重廉清絕金姘先賢像設新丹白再崢嶸莫幽及冥
漠羽商列癸庚凡古循吏事一一手所營問君何能爾
圖籍腹縱橫有書八萬卷含咀割其榮上自經史腴羅
列陳時英子目分牛毛純駁析星忤唐裝及宋槩溯源
遂通瀛想當爲政樂萬軸張燈檠鯨鯢共一噉徐徐製
其鯖惠術溢肝鬲民腹膏彭亨示我所錄書命我彈且
拌我多見未曾安辨廷與楹撫卷再三嘆重此學古情

題竹薌村居讀書圖

老屋溪田久未尋常披圖畫到山陰五風十雨回春手
萬壑千巖感舊心花塢有書窻窈窕柴門無客路蕭森
九仙勝侶休相傲玉室金堂此最深

題徐廉峯問詩圖

清溪遶籬屋四周楓青梧碧枝相樛中有兩士清天修
談詩說妙快冥搜非問非答心天游兩儀高卑萬形稠
瞽聵各以聲相酬雷車風鼓激大幽龍虎吟嘯猩猿愁
鳥歌蟲吟助春秋篁嘯木夏相推抽敗葉辭柯亦悲憂
屋角挂網鳴咿嘷干聲泛泛盈四陬起滅急雨無停漚

而人其間一虛舟任耳所觸皆相謀能者乃以六鑿收
借我十指如過籌或爲雅頌爲歛謳問之其人不自由
無主可答賓誰誼道不可問矧可儉安處無是此兩叟
問者莫向圖中求

桂林布衣朱小岑集咏不倒翁戲效之

刻木非居士牽絲異郭郎折腰常倔強舉首復昂藏跌
宕隨兒戲回旋不自忙此中本空洞何處著炎涼

聞兩宗人相繼歿感作並悼六友姪

乙未

未死前一日猶作百年計南風吹山平草木安可恃我
本隨流人聞此感心悸偶然春明夢便歸非失意宣州

舊我家十世墓難棄吾宗六友生儒者解生植雞豬及
葱韭料理靡不至每思柏規下誅茅一畝地睢盱怯山
夫藉君慰孤寄痛聞歌蘭報雅志恐難遂南歸及秋水
誓墓訪君弟

范今雨來言南歸事兼喜雨有作

江南水田五歲破人家荇藻粘屋梁去年大熟米價賤
得肉未補前年瘡豈知山東去歲雨八月至此驕天陽
京師得雪雨亦少 聖皇虔禱回穹蒼跳珠急點入
窻戶車聲惶急如奔藏客來見阻話疇昔十五年事重
旁皇雨甘年豐路平樂君將理棹歸盤閭金陵山水會

未見剪江一霎先吾鄉我違寄圃已三載夢回水閣通
荷香芭籬圖樣弟新寄喜當折角栽垂楊白皮老松亦
遮護旁有桐桂攪新篁清渠引水樹根過使作方罫分
瓜疆牆陰蘭菊舊百本兒報遭水多瘵傷寄書補栽已
得未想見天竺垂南房凡此種種意所到君過先我詢
其詳君能逍遙俟我至佩壺野寺相扶將先登鷄鳴瞰
幕府西至虎踞遊清涼江光閣旁有幽徑山坳秀聚攢
紅芳屈原新祠昔未有同汲井華奠菰蔣邀頭好事本
自喜言此已覺神揚揚若告吾弟相問訊近八九月騰

秋裝

讀東坡集偶書

東坡自言少快意惟有文字窮酣嬉如山出雲水赴壑
無有天過與險巖黃州僭耳困欲死折除利市歸文詞
昔有尹氏富人僕勞苦百役身不支終年夜夢大富樂
以晝爲幻身忘疲東坡快意乃若此無乃尹僕同其痴
謂夢非夢堪一笑詩成弔詭誰當知

熱車行

高車峩峩明六窻車中年少神揚揚車來如風熱如火
行旅辟易觸者僵當街一叱百步過疲驢瘦馬無晶光
九門日落根倉琅千人競進如排牆停纒整轡獨不發

車夫結束繡襦襦鎖聲欲落一鞭起電掣星奔到城裏
車中意氣故安閒料有旁人誇不已車奔馬怒停不得
如飛直抵宣陽宅入門一笑蒼頭喜大錢一千賞車子

東小市行

鷄鳴月落人怱怱小市何在前門東廣場列坐似碁布
解包萬貨當人叢買者挪揄賣者銜星星偶語成雷轟
買柑得絮皮得紙馬鞭鼠朴欺愚蒙邇來此詐亦難試
周防巧密嗟民窮有時賤買方入手貴價轉賣如旋風
在旁愴眼不得詰脫手已就他人功就中置貨貨孰豐
男女衣服紛青紅尙書半臂綿凌乳貂侯徹綉堆籠鍾

其餘種種各殊絕亦有竊鈇藏其中金叵羅鍾孤白腹
羽化來此銀盃同此種物價廉莫比貪賈得之色然喜
咄哉賈人莫浪狂金吾方捉田彪郎

澄齋來訝久不出因作此并呈石生明叔

十日不踏興勝寺張子訝我何深藏謂疑幽憂屬末疾
豈知發興搜詩腸我初學此無檢束虞初九百恣荒唐
稍參涪翁變詩派意趣結約無飛揚十年棄置久不事
解散韜帙從襪伴含毫叩景偶一試忽覺泥并生寒漿
濃書細字急不擇螻蛄詰曲肥鴉旁到口有物當一吐
安能啞舌如周昌古人精嚴有真放下手得快天機張

六朝文士不解此散棄駿馬驅跛羊三辰分光精氣薄
語言縮畜如羸尫雖然此中有涇渭豈得蕪穢誇汪洋
句律稍悟嗟已晚嗜好多可無專場千金狐裘飾羔袖
漢冠晉製兼唐裝吾文所病亦在此自成一家今未嘗
當年猛志壓崔蔡翻恐汪魏相低昂先生不嗔後生笑
所慮唯此餘尋常誰與吾黨二三子妙解知我非狷狂

六月六日聞蟬

今日朝涼減絺衣得靜便客來談浴象人倦喜聞蟬風
露謀身易高寒應候偏故園池柳上早占數聲先

題程春海侍郎扇中美人

香霧欲生煙粧花低鏡前自緣心愛好不關人見憐

偶出

人招我飯辭不得登車欲赴猶逡巡座中有客共深語
如驕似喜還疑曠自言文字勝契戾連掇科第信有神
時命忽謬乃一跌蓬山直到泥與塵如某某者詎勝我
俛得俛失當何因酒酣頗述得意事召優不至慚其賓
立呼伍伯拘至席泣言喉痛方病呻不知官乃爲身怒
縱極鞭辱宜加身回悲送喜敬愛客客大歡樂主意伸
聞者拊手頗稱快連啖肥炙飛觴頻酒闌語罷一闕散
倉卒未暇詢何人

買書四友歌

晉魚見書口流涎到手恐有他人先索價不畏高如天
歸來障簾傾銅鏡明叔愛好不求全索難得巧意氣鮮
細尋脫簡抽間編磨丹細字書盈顛張子游肆如林泉
瓦南街東可忘年客無牀坐書相連不破一錢聽管絃
白笑買書如買田循其四角及中邊重裝自釘端不偏
未得一讀手爲胼

贈黃景濂友蓮

李公還我文一帙簡端細書子親筆規摹謂我背時好
味息乖逢意真實此文昔謁甘亭翁君乃旁收肯藏疾

未嘗一面荷深語始信文章有膠漆京華握手各失笑
昔嘗云爾今乃必清言高韻傾未已出手新詩劍光溢
太倉詩派異西江不肯專長兼入室懷恩望古憂思集
人百萬家知者一甘翁憔悴君亦爾如我敢復論得失
宣武坊南車馬咽瘦驢兩士無一匹暑風塵堞動如海
處女嬰珠安敢出何時一笑共秋燈盤剝沙糖炒黃栗
送陳蘊山作令山右
酒龍詩虎集襟裾馬異盧仝興不如人事漸生登榜後
宦途宜慎辦裝初漫隨士論尊朋甲且使民風畏大車
笑我一龕彌勒共更誰高興足開予

夜夢林秀才鎮

小年同學林第五夢示兔園文滿家魂魄已隨秋草去
記君辛苦撥燈花

贈馬生壽齡鶴船

馬生詩才疾秋隼下水船連萬艘引洶洶海市浮鷗鵬
切切風廊弔螻蛄家三千里十年別歸興屢爲空囊忍
光範門前書肯獻長安市上酒難準自然攀跋成怪松
欲藉文章吐蒸菌陳李二友方得路堅車非子誰來軫
浮雲富貴不可呼卦得包瓜自天隕乾愁白日坐拋去
使鬼揶揄甯俗哂我居古寺鎮得閒喜味佳句養肝腎

詩文於道一稊米炊飯今誰富
倉困秋燈旅店涼可親
想發陳編如束筍

贈李蓮舫

李君好詩兼好酒官學瘦馬時尋友青銅三百不肯畱
卻笑財虜空兩手除夕準衣苦畱客客多屋小時被肘
一客煮魚蹄竈觚一客哦詩拈撇帚醉呼聯吟聲達旦
債客驚咤窺返走富兒空矜飾廚傳禮率意真乃見厚
觀君胸次能爾容一飽鯨魚吞八九宣城詩派久湮塞
氣猛才豪仗疏剖詩聲遠度幘箠篋三韓歸裝乞瓊玖
惜哉旗亭少解事一曲黃河負楊柳天生此材用有時

著鞭未合居人後君聞此言當一笑富貴於吾復何有
且學陶潛除酒巾那計劉歆擬醬瓿綠垂紅綻春又來
更約屠蘇歲同守

吳笏菴以莊子語作七律見贈做和之

公詩能消外汨侵超然軒冕與山林不荀久竹自靈氣
折楊皇考非世音將遺六骸窺要妙敢豎一指加高深
世人竄句多鹵莽試與洛誦先齋心

贈李榆村

世間快事那有此萬口飢民無一死世間奇事誰肯創
十萬官糧一朝放官身散米官償銀民身得活官身貧

艾子談此不容口一笑忻州舊吾友忻州李侯精權奇
高馳亦厭絡頭絲鷄鳴山南鳳臺北苦欲就我誅茅茨
我家冶城名寄圃竹亞宅後花前池放春納夏計良得
歸意早決胡爲遲男兒功名許天幸衣食小事翻慳施
李侯聞此亦失笑三徑政苦歸無資

聞鄰人夜哭感作

北風淒中夜鄰哭聲正悲舉舉吳興子獻賦留京師昨
夜家書來高堂痛我遺念初別母時母色方怡怡人言
金紫好願兒服葳蕤苦語不敢出恐兒行色墮日遠愛
苦深意悔歸難馳生榮他人見死別惟親知山川隔神

理草草施靈帷外人忌諱多情事難具施悲哉返哺烏
夜夜號寒枝

冬夜偶成二首

筆墨積人事鼓勇肩一釋罷落無幾時默數復林立枝
官本多暇何者常汲汲卻思逃熟時窺窻欲揮日揮日
日不去挽日日難入人情有去留天運成緩疾書燈
再挑感歎復掩帙

人生一日內百有二十刻計吾起滅心停此不啻百一
刻應十念念多終不給所以火馳人閱世如一息

柏槻山房詩集卷六

上元梅曾亮伯言

贈何子坤還新安

丙申

提書兩載客京華
梅意衝寒頓憶家
莫便南山常種豆
應羞東野止看花
閒官推引眞何有
聖處功夫想更加
我念涓陽憑寄語
三年塵土困奔車

節婦吟爲桂雲酬作

夫死求死日且緩
死夫死不治喪是吾夫
生無婦矣上
冢別母過家告大人
言衰麻百日畢
當從夫地下黃泉
不得願黃口小兒
惟知上有滄浪天神
專意精去天咫

六親悲愁坐泣不可以已明明朝夕人不得相救理一
冥歸神如脫隄烈婦誰東城住夫秀山浙民父夫姓吳
雅婦氏烏札庫

朱蘭坡先生以家瞿山翁畫松壽施愚山圖屬詩
記之

宣城宗老瞿山翁天延築閣聽清風春明槐街懶不踏
興來自寫黃山松愚山侍講同開里參議歸來六十矣
翁以畫壽羣賢詩中有雪坪老孫子其時大科猶未開
致語已祝蒲輪來名實不謬竟如此 國初元老何遼
哉蘭坡先生重翁畫神品不謬漁洋推作詩使我附名

字燕石豈足增瓊瑰先生好古心宿親鄉里耆舊尤所
敦史館把筆傳文苑吾宗二老輝千春我今金陵思柏
枿飛橋流水盟終踐便當問字過琴溪讀畫一披小萬
卷

贈陶薌泉

南城幽巷寂如村喜有軒車肯叩門宦海欲經三十載
談天猶作五千言珊瑚不礙詩仙格籍籍爭傳賈父恩
卽看金狻輝五馬黃樓佳句許重論

夢視圖

邱遲夢錦江淹筆錦耶筆耶華不實何似夢視如得田

膏澤豐年眞可必長安四月南風雁吹我石田如草枯
因君丐我江南夢碧沙翠石割雲腴

贈賀耦庚先生

儒林與事功唐宋久異派惟公持古心儒效中襍外守
身固金隄救暵乃放隘勇如九河翻萬折胸不芥藩條
布江甯部民幸瞻拜官齋靜抱獨深曠念民瘵閭閻箕
帚事聽徹風雨快淳明生德威百吏不敢獐疏通上新
河定力釋疑怪海水果上潮游波得寬殺以此秉事樞
九功孰能讓 新恩慰民望秉節西南邁黔民稱瘠上
好義勉其懈雖急害馬除不擾小鮮收自惟河內民借

寇獨呿噫短章聊頌德幸免導諛戒

送黃香鐵歸嶺南

君不如陳孟公太守起家由尺牘又不如熊安生執經
掃門稱觸觸旅館蕭蕭似深谷出無驢馬炊無僕棲鴉
肥字寫詩木牛腰卷作隨身軸風簾嬾就日華賦天機
獨奏雲門曲闊袖寬袍老鐵生平視朱門如白屋忽然
揖我歸嶺南潮陽校官新授祿廣文先生雖無田是官
萬事不由天京華幾載厭羊胛盤中苜蓿肥如錢先生
食飽無一事高吟突過黃初年吾家寄圃潮溝邊亦有
花竹相蟬聯主人五載別猿鶴無田不退甯非錯思君

南望鐵耕樓不見吾家半干閣

贈鄒松友

洛陽令君清且敦田父說尹時開樽朝冬報政得休暇
叩門喜我如荒村談詩說筆歡未足爲君釀飲羅嘉賓
同年陶卿善轟飲君先舉白張雄軍陶卿逸巡盃縮手
君乃大笑吾已醺頽然隱几任誼闕鮭菜過眼如飛蚊
隻雞近局得常有要我排日先知聞自言久吏畏人面
坐無疏客眉方伸餘事示我琢詩律張王蘇白探淵津
流丸峻坂下千丈崎嶇突過無荆榛看君快手得佳語
始信險怪虧天真緋魚新賜九華殿歸聞河內爭寇同

願君揮毫畱百斛洗我胸次消輪囷

徐廉峯家製蘿蔔鮓作詩乞之

丁酉

蘆菹生兒似柔蕨浸以甘酸供縷切翰林好客出鄉味
熱酒肥腸歷冰雪腐儒不識生黃塵土銜慣煮寒菹湯
宰相當食醋三斗蜚鼻誰能徒快口韭齋豆粥翻勞人
餽我食單亦何有君家新樣勝元修呪筍憐槐臭味投
便乞餘蔬作小益從此彥深添食籍

程春海侍郎人日雪後招飲龍樹寺中

家居好邀兼愛雪每眺鍾山登掃葉長安雪少風苦多
卷地追奔去飄瞥空庭積素不忍掃自撼枯條添落屑

侍郎招客集龍樹萬象一白真奇絕混茫直接西山頭
界畫城陰肋一截行人飛鳥俱不到空宇蕭蕭見真悅
甘醪名論未覺晚月氣寒光半空結盪搖天影倒平地
江水橫鋪波不裂悄然坐我浮玉山夜聽談天咎鈴舌
是日瓦南街可步愁洗靴鞢因迴轍王充閱肆且異時
昌黎登高幸同節醉歸默數前車燈猶記江船火明滅

送王叔原守瓊州

聖世朱崖變畫圖風流天使傲髯蘇臺端夙望歸驄馬
海上新文徙鱷魚木酒連村知政簡金華滿地任民鋤
使君退食應何事自理劉郎閣上書

贈潘諮少伯

當年豪士客扶風，曾以鄉兵占首功。
談笑尙驚黃鶴子，行藏欲問白鳧翁。
雨中裹飯勤深友，日下繙經折鉅公。
莫訝元文難索解，應知並世有揚雄。

贈阮侯亭之任臨湘

李杜行歌處，蒼梧怨未終。
木蘭舟縹緲，花石戍空濛。
風月三千首，天涯五十翁。
一官成笑傲，未許古人同。

試說金陵好

試說金陵好，登臺記雨花。
千帆平綠野，一塔湧朱霞。
佛屋新繖栗，仙亭細焙茶。
長干燈火上，歸意動昏鴉。

試說金陵好，棲霞古道場。
千峯通御路，萬壑亞僧房。
泉石窻窻見，松杉處處香。
偶然值樵叟，真欲話羲皇。

題蔡鏡堂探梅圖

盆梅蟠屈非吾友，疏影籬邊驚別久。
披圖忽見高枝橫，五十年來香在手。
先生真逸此花身，青鞋踏遍北山春。
當年草市連紗市，何處梅花是喜神。

北峽關晴雪圖爲蔡友石先生題

雪外青天山外日，一白橫空半天赤。
朱幡綠耳來倭遲，萬里寒光盤馬膝。
掀髯一笑回春姿，范寬見此真吾師。
枯條凍葦礪冰道，點綴俱入皇華詩。
公今歸乞湖山主。

已傍東田開釣渚山翁來共一杯無爲話關山行旅圖
悼故人汪平甫平甫於壬辰年得句云三徑草疏
螢有路九秋花冷蝶無家頗自喜未幾而卒友
朋皆竊怪之謂未死神已泣也

少年談笑傲滄洲未到中年意氣收危坐歡場恒自語
孤行野寺不成游文章從古供人役富貴何時勝鬼謀
今日棠梨花下臥應知得喪總虛漚

讀東坡集有感

七載黃州已似家又從僮耳度年華東坡有地聊栽竹
南海無人且看花白髮瞿塘悲劒器青衫滄浦泣琵琶

飄零詞客多哀怨學道如公信有涯

陳石士先生蘇公祠雅集圖

侍郎持節出金閭春讌蘇齋薦脯觴木介已悲終古別
花朝又作昔年芳瓊樓玉宇眞儔侶明月清風孰主張
我欲夢詢香扁子涪翁身後豈茫茫

陳石士先生韶光步竹圖

一徑入寒碧竹光在人衣風泉息塵鞅雲石生天機道
心得所便遊子如新歸五公各持節王事有程期談笑
雜黃老登臨窮翠微僧居豈知樂樂者雖久羈物習慮
多變寂喧無是非當年作記翁遠想超希夷披圖感道

墨聊和西山詩

題張白也中年聽雨圖

雲水空濛泊烏榜
鶻聲漸小灘聲長
舟人添纜各關門
萬里空江惟一響
君不見瀟瀟暮曲聽
吳娘青衫才子
似潯陽少年醉臥金堂月
那識扁舟有斷腸

正月十九日游白雲觀燕九白也未赴有詩因和

之
戊戌

樓觀崔巍耀彩霓
此中云是上天梯
撞鐘伐鼓三更湧
墮珥遺簪五色迷
仙語何人逢白鶴
商歌有客感黃鸝
知君記夢詩初就
嬾向神山一借棲

寄張丈虎兒

七十翁猶健勝常
青山鬚髮未滄浪
飽聞攜杖穿花市
肯爲開樽過草堂
客子京華思里社
先人儕輩仰靈光
家傳畫手今誰付
應有文孫繼阿章

寄呈青甫舅氏

拋卻閒官始覺閒
不畱手板在人間
重排陸氏東西屋
特對何家大小山
兒課巾箱應細校
集編花萼莫頻刪
他年杖履追隨處
好是青溪第幾灣

歐陽岳庵又一村夜話圖

菰首橋邊又一村
紀羣兩輩接芳尊
比鄰花藥常通路

貧郭溪山總到門，幾載騎驢思謝墅。深宵擁鶴感陳根，
披圖尚有東籬在。鴻爪東西不可論。

悼趙侍御敦詩

舊俗疲多士，纖趨市小恩。君爲中執法，書有大臣言。天
壽眞難問，窮通那復論。時方雄白簡，君獨困飛鴻。

戲書

未可稱居士，頽然已放翁。詩性標廊氣，文不愈頭風。雄
任來嘲客，褒無待約僮。雞毛三寸筆，何事反怱怱。
尊生原有術，造適更無餘。結嬾新知客，尋貪舊見書。饒
三眞落拓，歐九任空疏。若問窮通理，吾將付散樗。

爲何青士題扇

美竹移新居好花憐舊屋藤陰有秋句應長春枝綠

諸城令汪封渭字竹千黃岡人葺北臺故址爲蘇

公祠僚佐配食兼羅種玉盤孟郡人李方赤太

守屬詩紀之

東坡分符在東武手實新書正旁午脫畧萬事非嬉遨
吏不求功民小補鐵溝之水超然臺常山罷獵時徘徊
胸中杞菊不帶芥芍藥正對流盃開馬耳雙尖尙突兀
北臺題壁今塵埃諸城令君真好古手翦蒿萊闕祠字
堂前栽遍玉盤字太博屯田配旁廡騎鯨散髮歸一笑

想見眾賓風竹舞里居好事誰同修常州太守今李侯
風流爲政無與儔政如獨孤在常州班春他日過陽羨
更爲東坡訪舊遊

蓼花嘆悼徐蓮峯侍御

去年我飲廉峯家歸乞四株紅蓼花蓼花今年好顏色
嗟君玉樹埋蓬沙書中檢君八行字言及程公欲揮涕
司農餘事工尺牘屬我裝池排日記豈知後浪逐前波
遺墨兩人同一笥春明六年竟何有飽見故人作陳朽
除花未忍對花愁與爾同澆一壺酒

贈姚伯山

五管賢聲第一流頭銜新拜

主恩優宣城自合羊

元保下澤翻思馬少游聞到冶城將買宅時過寄圃定
登樓車輪木必今生角早有梅花待嶺頭

寄姚春木

江雲朔雪久離居病臂詩來益感余客散梁園誰置酒
家臨笠澤好成書頻年漫乞長安米幾日曾忘短轂車
輸與吳中高士甚小雞山下釣鱸魚

同年爲眞率會酒二壺菜五簋恐有以豐腆敗約
者詩以誌之

同歲消寒共此筵相期眞率只談天棕鞋桐帽難拘禮

菰飯蓴羹豈破錢似我揚雄慚酒客
幾人杜牧傲茶仙
硜硜卻笑顏光祿不許山王附七賢

聞里中宮家園頽敗可歎

清涼山下破岡斜野飲曾過處
士家獨向陰崖結茅屋
自鋤明月種梅花三春粉黛迷香蝶
兩部笙歌接吹蛙
前度劉郎惆悵甚頽垣聞被夕陽遮

毛紫庭贈人參鹿茸賦謝

憐我支離太瘦生遠分珍藥故人情
七星瑞氣光浮匣
五葉眞形價滿籛仙酒便同傾
白墮舊山應罷採黃精
小窻一角新晴日喜試觀書眼力明

林公少穆以 欽差大臣使廣東作此呈送時兩

廣總督爲鄧公懈筠

禁煙新斷阿芙蓉爲遺虜臣急奏功鎖鑰全收坤外紀
威儀特進漢元公三朝細馬 絲綸重萬里鋒車節制
通南海尙書方勵治 朝廷應喜協和衷

贈朱丹木之任無爲州

己亥

舒侯說子世無有能以神君兼眾母高言入座森動魄
盡掃常談等芻狗示我報神新廟碑詞嚴義深石可壽
謂神除蝗吏除暴使苗無災民不莠神勤其官吏敢惰
以此自誓心語口我聞法立民知恩吏威已輕民易狃

惜哉古有生殺權酷吏反以資毒手後賢豈無活國計
法律裹身如械杻如君所爲誠極難報最今知幾被肘
縱轡卽看逝萬里新恩且試一州守米顛逸事置勿
道一石何須辨妍醜

偶書

一丈黃塵過一車西風吹入碧窻紗年來不解吟春雨
孤負光陰是杏花

雨少風多又一春人間無處避車塵綠陰如水裊腰路
輸與江光閣下人

贈步鄴南之任平陽

豸服連翩剖銅虎千古言官氣皆吐北門一疏天
顏開朝作嚴霜暮甘雨如君遠性復高勝不僅空言祈
小補偶騎驄馬行天銜桓東少年避如鼠枝官窮巷礙
車轍近日已無棄灰阻風行日下豈易事早識翁歸具
文武百城秉節端要渠一郡先看設施溥我生疏懶少
儕輩棋局詩囊猥相許只今去我如飛黃寂寞柴扉掩
杜甫待君更作朝天行一局相期山果賭

贈湯海秋

詩筆人間湯海秋反騷應洗畔牢愁晁家樂府傳千首
楚國先賢讓一頭望古自慚非世好同官今喜接風流

芳洲杜若江南路何日相從萬里鷗

贈湯子燮

我年十九君十七斫地談天氣無敵滕王閣上一杯酒
萬里長江波接席十年君作五湖長行水澹災泥過膝
上官動色聽引經滑吏被符如霹靂朱轡憑熊正可爾
謁選今猶候畿赤風廊握笑一開口往事爭如芒角出
人生得失竟安在且喜君詩早盈帙慚君記我舊時句
墜語醒思殊自失祇今索寞更宜嬾游蟻逢堦玩春寂
字成脈望廢攤書管長蒲盧罷拈筆君乃才氣十倍我
衲服新裝照初日江南河魚今又上小姑祠前水三尺

爬梳端賴好官長
晚覺文字真無益
願君擺落策新功
餘事從教冷官乞

贈陳小松

有客有客端爲誰
攬衣躡屨起欲窺
君入一笑書帷披
吾更名耳子勿疑
昔時見君未有髭
白波倒捲空金卮
全椒學士甘爲雌
謂此年少才不羈
揚州花月春江涯
名園參差信馬騎
醉歸自有笙歌隨
夜吟紅袖圍烏絲
別來三十年又奇
人生忽忽一世移
入身帝城今何
遲宮中
聖人撫臯伊儲精
坐受三神釐
甘泉上林
藻孰摛君當載筆
光鴻儀君聞撫掌
笑曰嘻子乃故我

以我爲雕蟲刻技昨暮兒壯夫豈復隨羣嬉我今百事
慵不治探丸起人聊自怡百錢閱市垂簾帷蜀莊季主
皆吾師嗚呼君言夸矣君失調處世不羸亦不虧人生
此福厚不訾其次乃以富貴靡君不見馬生憔悴新豐
時斗酒獨酌無人知一朝二十餘事陳天墀君不彼得
此可期達者勿謂吾言痴

悼吳丈子見

利害相倚薄有怨乃知恩好名安可居怨來益多門眾
口本鑠金周防況少存少有超俗夢晚逐世網奔傷哉
偈仄行孰招垂老魂

悼汪均之

昔我遊京華君意頗不欲金陵好山水漁釣意已足愧
無五瀉舟安得慕皮陸浮沉人海地合眼見君屋頗聞
園林修名士親畚掘移樓納山青拓橋放水綠缺籬補
花當疏檻藉藤束先公經國手小試橐駝術老松移每
活樹客最驚服點綴山石間珍草夾美竹經營期十年
招我隻雞局君書常在眼把卷成一哭我文眾少可君
喜能疾讀此外惟異之出語中深曲臣質今已亡孤笑
忍窺續憶君集園記佳筆柳州續惜哉畱家芒藏者尙
滿腹平生文字契深友不五六半山聽息八未死惟余

獨君魂儻可招無忘北山麓

寄彥勤弟

聞汝沈疴去他鄉喜不禁百年門戶計千里弟兄心藥
裹應長屏書篇得重尋從容期繕性不必念升沈

壽王子卿丈八十

黃樓高咏接蘇篇老福天教勝古賢同是一麾香案吏
早歸三徑地行仙貞元朝士稀同輩洛社英遊讓大年
萬首詩成休定集他時抑戒有新編

姚伯昂年丈以冊作瓜菜數十種遺伯山屬題

野人喫菜不解煮但喜花豬嫌筍苦城中辨味不辨形

蘿蔔乃言非蔓菁我公九能冠朝英入林觀性天機精
筆端已備四時氣芥孫瓠子駢羅生荷包蒲束各異態
如手旋摘筐可傾是中具有色香味土膏出紙光盈盈
十年夢想清涼寺草市菰橋跼游屐眼明見此鄉味多
黃瓜園中秋滿地黔中饒守臭味同淘槐覓筍干觴空
見此當飽不思肉渭川干畝蟠胸中

孔繡山秦澹如招飲於尺五莊會者十三人卽事

作庚子

蘆莖淺碧蒲芽短中有方塘白水滿開軒對景弄春筍
濠梁去人今不遠往來裘屐多歡場吾輩亦復成徜徉

庵中醉客兼醒客總覺尊前是故鄉

和人萬柳堂懷古

有客能高詠來尋萬柳堂
蒼茫葭葦際言是草橋莊
寺古猶通路陂荒不似塘
當年詞賦輩辛苦慕常楊

題李唐畫

古木陰陰夏似秋
參差石壁過橋頭
斜陽曳杖歸何處
門對長江一葉舟

七月十七日作

連朝泥滑滑小步試中庭
雨腳明懸日雲頭怒壓星
蟻封升砌墜蛛網散窻櫺
愁極蛙偏喜聲聲入夜聽

張澄齋築室陶谷寄贈

昔年訪陶谷遙指古梅花君讀隱居傳將移抱朴家對
山樓亞竹引水座浮瓜自笑陸沈子何由駐鹿車

題張仲芝住帆圖

檣帆落落散遙天獨繫扁舟柳岸邊往者待風行者笑
他時莫笑待風船

贈項几山

開徑延三益喜君移五車校書勤掃葉得意勝看花歸
興龍湫引孤懷燕市賒扁舟期訪戴同看赤城霞